


B. N. C.
FIRENZE
1082
9





1082.9

Ex lib. 3^a Quinti cont.
Nauvillae Marini



ALEXANDRI
SOPHISTÆ
DE FIGVRIS
SENTENTIARVM
AC ELOCVTIONVM.

NATALE DE COMITIBVS
Veneto Interprete.



CVM PRIVILEGIO.

Venetijs apud Sanctum Guerrinum.
M D LVII.

1082

9

PUBLICITAS.



VI.

ALEX

CLARISSIMO AC
SAPIENTISSIMO
SENATORI VENETO
MARCO ANTONIO
A M V L I O .

NATALIS DE COMITIBVS.



*E*A semper
fuit ea in te, et
beneuolentia,
et obseruantia
M A R
*C E A*ntonio

ni Sapientissime, ut ex quo primum
te, uirtutesq; tuas, et eximias animi
tui dotes cognoscere coepi, summo
studio semper excogitauerim, atq;
quaesierim aliquam mihi dari fa-
cultatem, qua tibi in primis, deinde
reliquis omnibus hunc meum in te

a ii anis

animum patefacere possem. Verum cum nulla unquam satis idonea sese obtulerit occasio, non potui diutius hoc meum in te studium, hunc meum amorem, hanc meam benevolentiam tibi obscuram esse perferre. Cum igitur nuper gravissimus autor Alexander Sophista, qui de sententiarum elocutionumque figuris doctissime scripsit, mihi occurrisset, isque latinis adhuc esset ignotus, cum latinum facere decreui, ac tuo nomini potissimum consecrare. Non ea quidem de causa quod tibi hanc ipsam figurarum cognitionem necessarium esse censeam, sed ut aliquod habeas amoris observantiaeque erga te meae signum. Nam quis te grauior, non modo rectissime gerendis

rendis magistratibus, rebusq; publicis scite tractandis, in quarum cognitionem semper uel à puero toto ingenio, totisq; uiribus incubuis-
sti? quis te elegantior? quis dicendo ob figurarum uarietate iucundior? quippe cum non sine magna omnium admiratione in consultationibus minus scita nonnullorum consilia summa cum grauitate sæpius refelleris, tuaq; rectissima esse demonstra-
ueris; cum ita & obieris, & perfun-
ctus sis legationibus, ut non uniuer-
so modo senatui, uerumetiam om-
nium hominum opinioni magnopere
satisfeceris. Ita sane efficietur
ut ob hunc meum in te amorem, elo-
quentiæ studiosi plurimum tibi de-
beant, qui non mediocrem utilitatem

ex hoc libello sunt percepturi. Est enim ea figurarum cognitio, sine qua non modo nullas vires habens constitueretur oratio, uerumetiam quæ molestissima futura esset, & odiosissimam satietatē auditoribus inducere. Nam ueluti si lineamētā uel peritissimi pictoris manu inducā uideamus, uel nullā, uel perexiguam certe percipiemus uoluptatem; quòd si colores ab ipso artifice postea superinducantur, tunc et pulcherrima erit ipsa figura; & summam, diuinamq; opificis artem patefaciet. Quisquis igitur cognouerit quam uim figuræ appellatæ in orationibus obtineant, & cuiusmodi sint ea quæ dico, & quam utilitatem capturi sint studiosi ex hoc libello

libello facile percipiet ; cum præ-
sertim nullus sit , uel Græcus , uel
Latinus autor , qui doctius , qui a-
pertius , qui accuratius de his ipsis
figuris scripserit . Sed de his satis ;
illud à te etiam atq ; etiam pro sum-
ma tua in omnes humanitate peto
Marce Antoni Sapientissime ,
ut nostrum hoc exiguum munus , uel
nostrum potius beneuolentissimum
in te animum perbenigne com-
plectare .

ALEXANDRI
SOPHISTÆ
DE FIGVRIS
SENTEN-
TIARVM.

Natale de Comitibus Veneto interprete.

Differentia inter figuras
& tropos.



DISCIPLINA
ea quæ ad orationis
figuras attinet, non
est profectò uulga-
ris; siquidem illæ
sunt admodum dif-
ficiles, his quidem
infinitas esse figu-

ras dicentibus, illis uerò non infinitas quidem,
sed multas atq; non facile posse comprehendì. Præ-
terea non facile esse inquiunt figuram à tropo
sententiæ & elocutionis inuicè dignoscere. Ve-
runtamen nos quantum studio consequi poterim-
us, de his tradere enitemur: atq; ea etiam his
adiungemus, quæ de ipsis à diligentissimis scri-
ptori

ptoribus memoriæ tradita fuerunt, easq; quoad fieri poterit oratione inuicem separabimus: eas inquam quæ sunt sententiæ à figuris elocutionum: scorsumq; sententiæ figuras, & elocutionum collocabimus. Tum differentiam prius exponemus, quæ uniuersè est inter figuras & tropos, et quam habeant inuicem disiunctionem eæ quæ sententiæ sunt & elocutionis, tum ad orationem de ipsis conuertemur. Differt igitur tropus à figura, quoniam tropus uirtus fit circa unum nomen, uelut uitium barbarismus. Figura uerò est ornatus circa plura quàm circa nomen, uelut solæcismus est incōcinnitas: ita ut eadem sit differentia inter barbarismum ac solæcismum, uelut in uitio etiam tropi ad figuram, ut in orationis uirtute. Nam uelut in barbarismo nomen corrigimus, at in solæcismo nominum compositionem, sic tropum in consuetudinem nominis transferentes, in nomen transpositionem faciemus: figuram uerò in id, quod secundum naturam est, uendicantes compositionem commouebimus. Differt hoc pacto præterea tropus à figura, quoniam tropus alienum nomen pro proprio, trāslationem enim sumit ex proprio, ut, Verticem montis, Pedem extremum Idæ: figura proprium rei nomen seruat positum quodammodo atq; elocutionis uirtute formatum: nam propria elocutione ita sumpta, absoluunt:

absoluunt: sicuti se hoc habet; ad te ipsum uocas, ad leges uocas. His enim utrisq; uel altero certè, figura differt à tropo. Differt sententiæ figura ab elocutionis figura, quoniam elocutionis figura remota elocutione, quæ continet, perditur, uelut; sed uel hi accersendi, uel alium non minorem exercitum opus est mittere: deperit figura annominatio: Si autem figuræ sententiæ aliquis nomina remouerit, aliisq; nominibus proferat, eadem nihilominus figura permanebit. Similiter uerò si moueatur series, uel adimatur, aut addatur, dissoluitur elocutionis figura: nam ad te ipsum uocas, si quis ita proferat; uocas ad te ipsum, & leges; figura periit. & hoc, & mihi nequis instrepat, est correctio: quod si hoc ita protulisset; uerū nequis mihi tumultū faciat, quod ita sit; indigeo quiete, tolerate me: eadem permanet figura, nihil enim passa est sententia mutatis nominibus, huiusmodi in his igitur est differentia.

καὶ μὴ
μὴ θορυβῶ
οντις.

Definitio figure. Cap. I.

EST autem figura orationis commutatio in melius, uel secundum elocutionem, uel sententiam sine tropo: quod quidem commutatio, patet; quod non in rectum profertur oratio, idcirco nascitur figura, cui in melius adiacet, quod

b 2 niam

nam solœcismus etiã cōmutatio est orationis, sed in peius. Vt igitur figuræ solœcismiꝑ; differentia pateat idcirco adiacet in melius, adest sine tropo, quoniam tropus etiam commutatio est orationis secundum elocutionem: est. n. hæc definitio utrisq; figuris communis elocutionis scilicet & sententiæ: sunt tamen nōnulli, qui seorsum utranq; figurã definiant, ac sententiæ quidẽ figurã hoc pacto; figura est sensus conformatio, quæ illam quæ est secundum naturam necessariam sententiam ad utilius cōfingit, at elocutionis figura, usus gratia. Huiusmodi est igitur opinio communis figuræ, sententiæ scilicet, & elocutionis. Verum prius de figuris sententiæ pauca prædicentes differamus, contra eos, qui illas de medio tollere omnino conabantur. Dicunt enim nonnulli figuram sententiæ nihil habere proprium, neq; facile esse orationem nō figuratam inuenire: atq; hoc ita se habere necessariò, est enim oratio ex animi formatione, cuius gratia, & formæ inuentæ sunt, & affectus, atq; motus omnino prolati. Animus cū sit immobilis plurimas orationis percipit formationes, orationis gratiam definiens: admonens, consulens, atq; alia patiens omnino, quæ circa animum solent acidere, sudans, ita ut oratio ex animi imitatione unam aliquã prorsus habeat figuram. Licet illud nobis ad hæc in primis respondere

spondere, quòd si sensa non essent, hæc quidẽ secundum naturam, illa uerò formata, non differrent oratores à uulgo, neque inter se profectò, cum hæc hi quidem simplicius, ac sine aliquo ornatu proferant in oratione, alij uerò non sine ornatu. Manifestum est sanè quòd orator à populari differt, ob figurarum confictionem: oratores item ab oratoribus, cum alii breuiter & minus opportunè figuris utantur, alii & plurimum, & peropportunè: huc illud addi posset: præterea quòd animus semper ex necessitate formatur. Sunt similiter animi motus aliqui naturales, aliqui præter naturam, & cum constitit, & cum cogitarit, et cum in affectibus uersabitur: ex quo orationes sunt affectibus plenæ, sic etiam oratio, uel est secundum naturam, uel secundum consuetudinem figurata, quam nondum figuram esse dicimus: est enim alia præter hæc oratio, quam figuratam nominamus. Præterea hoc etiam aliquis traderet, quòd omnis oratio propriam quandam figuram habet secundum naturam: uerum ciuile atq; historica non est secundum naturam, sed secundum illius imitationem. Atque dictorum signum est huiusmodi: est oratio quedam naturalis retractionem animi quandam patefaciens: ut; quam incedam, hanc ne, an illam? hæc nondum figuram habere dicimus: quamobrem? quia secundum naturam

proferuntur, ac uerè is dubitat, qui dicit. Est alia oratio ad huius imitationem facta, quæ & ipsa animi habet retractionem, hoc pacto: num de Græcis malitiam, uel dementiam, uel hæc alio dicere oporteat: hanc orationem figuram habere dicimus: non enim dubitat dicens, sed se dubitare fingit, dubitantemq; imitatur, ex rectoq; dicere deuitat. Hæc ea sunt, quæ aliquis in eos dicere posset, qui figuras sententiæ prorsus auferre conabantur: quòd etsi omnis oratio propriam habet figuram, & naturalem; at ad illius similitudinem prouidū esse aliquē, sermonemq; aliquem effingere perpulchrum, quem nullus confictum esse dixerit. Hūc modum nos egregiè figuram appellamus, atque nobis etiam de hac proposita nunc est consideratio, non autem de omni ea oratione, quæ quouis modo fuerit figurata, nō tamē propriæ sunt figuræ orationis naturales, et propriæ peculiareq; artificiosæ, cuius rei illud est argumētum, q̄ omnis figura hoc ipsum, de quo dicimus, ad id, quod est ex illius natura, traducere nititur, in quibusdā apertissimè patet, uelut in ironia, allegoria, excessu: in nonnullis item nō facile perspicitur, uelut in interrogatione, quasito, dubitatione. Hæc in eos dici poterunt etiam, qui figuras elocutionis è medio ferre conantur, uelut omnis elocutionis compositione propriam quādam figuram continente,

tinente, ac nihil sit egregium, aut secundum formationem. Quòd igitur formatio differat oratoria à populari, dicere sanè cōceditur: quodq; oratores oratoribus melius dicant, quòd propriæ sunt figuræ secundum naturam compositionis elocutionis, & quæ ab his fiunt ex imitatione, secundum artem oratorum, tum quòd figuræ se habent elocutionis ad transferendum hæc quidem commodius et facilius, illa uerò difficilius. His ita perspectis rursus cum de usu quam præbent figuræ disseruerimus, de ipsis postea uerba faciemus: Est igitur multiplex figurarum usus, nam potest uel rerum intensiōē patefacere, uelut hæc se habent; tu uir grauis, aliosq; contemnens. & rursus; mihi uerò quantum siue quis existimare uoluerit insaniam, siue ambitionem: nam cum ex ironia potius quàm ex recto diceretur, acuta est oratio. Tum ex cōsilio & dissolutione ex contrarijs; nonne in memoriam reuocatis uerba illius uerisimilia ac scelestæ? & nonne Thessalos desciscere fecisti? tu enim si ad pagum accedas, ubi est periculū. Præbet boni etiam moris imaginem, ut Aeschines; nunquid mihi ueniam concedetis, si ipsum cinædum dixerō? ac neque puro corpore uel ex ea parte, unde uocem emittit? & quæ sequuntur. Videtur enim ijs erubescere quæ dicturus est: illud etiam consequimur per figuras ut ex tempore,

tempore, non autem ex apparatu, dicere uideamur, ut Demosthenes; nam quæ nobis igitur reliqua est ratio? Vel sic; parū defuit quin hoc mihi ex memoria exciderit: hæc enim imaginem præbent, quòd ex tempore dixerimus. Præterea uarietate quadam figuræ inspergunt orationem, ne ipsa uniformis oratio uideatur. Oportet autem uoluptatem aucupari in oratione ac uarietatem unà cum utilitate, idq; in iudiciali oratione præsertim: quarum figurarum exempla, quæ huiusmodi efficiant orationem, multiplicia sunt apud Demosthenem in oratione de Corona, & in oratione de male gesta legatione: nam cum sæpius de republica loquatur simpliciter & multifariā, ac uariè, orationem consingere non præ se fert. Tum rursus de captiuorum solutione mentionem faciens, magis est continuus: non. n. de ijs orationem fecit, rem ipsam commutans uarièq; dicens. Atq; hæc sufficient: nunc iam figuras quasdam sententiæ dicamus.

De præcorrectione, siue προειρησις.
Cap. II.

PRAECORRECTIO est cum aliquid huiusmodi dicturi sumus, quod aliqua indigeat præparatione, ita ut auditor id non molestè ferat,

rat, atq; ipsum præparamus : uelut id se habet Demosthenis; ad ea accedo, quæ mihi gesta sunt: neque quispiam existimet à scriptura meam abhorvere orationem, si in res Græcas, & rationes incidero. Ipse idem, nam quæso per deos cum optimi gratia dico, concedatur mihi libera dicendi facultas : sunt enim complura apud ipsum huiusce figuræ exempla.

De subsequenti correctione siue ἐπιτιμωσις.
 Cap. III.

SVBSEQVENS correctio eandem præbet utilitatem, quam etiam præcorrectio; cum ab ea ordine differat : nam quod in præcorrectione prædicebamus præparantes auditorem, hoc ipsum facimus in subsequenti correctione; nam auditorem delinimus ob dicta, ne grauius nos ferat: sicut rursus Demosthenes cū multa prædixisset, infert; à uobis peto uiri Athenienses, uosque obsecro ut memoria teneatis per totam cōtrouersiam, quam accusante Aeschine, nihil præter accusationem, neq; aliam quidem ullam orationem habui, cum is omnibus conuiitijs, omnibusq; causis usus sit, necesse fuit me contra singula dicta breuibus defendere.

De amphi correctione, siue ἀμφικειμήσις
σέως. Cap. III.

COMPOSITVR hæc figura, mista q̃
est ex præcorrectione & ex correctione sub-
sequenti, & ante & postea dicendo, cum oran-
tes sermonem tutum facimus: fit autem hoc non
in leuioribus, sed in ijs, quæ magnopere pruden-
tia indigent, uelut si quis dixerit, ego quidem
dicam, neque ullus insuauiter audiet, quod di-
cetur, si uerum esse uideatur: magnis præmijs
me dignum esse existimo, ob res à me gestas:
neque quenquam uestrum magnopere has ora-
tiones cum omni dicendi libertate grauitè læ-
turum existimo, si cum maxima fecerim, di-
cendo me maximis præmijs dignum esse demon-
strauero. Et uelut id se habet Demosthenis; si
enim qualis ego apud uos secundum meum or-
dinem, unus uir in singulis Græciæ ciuitatibus
esset, uel potius si uirum unum Arcadia, & unū
haberet Thessalia, qui eadē quæ ego, cognosce-
ret: nam cum dixerit secundum meum ordinem,
omne prorsus odium deleuit. Atq; hoc, si unum
potius, quod cum uideatur submissius dictum,
correctum est.

De præoccupatione siue προακαλίψεως.
Cap. V.

FIT

FIT *præoccupatio* ubi *præoccupamus*, & *præripimus* ea, quæ *aduersarij* erant dicturi, siue etiam quæ *auditores* contra nos *suspiciabantur*: siue *rationem*, quam *aduersarij* se *firmissimam* contra nos *prolaturos* *arbitrabantur*, atque quam *aliquid firmum* contra nos *habere* *suspiciabantur* *iudices*, hanc *declaratione* quadam *soluimus*: uelut si dicat aliquis; quoniam huic *rationi* *maximè* *confidis*, nunc *demonstrare* *aggre-*
grediar uel hanc *rationem* multò *reliquis* esse *infirmiorem*. & uelut *Aeschines*; ad *insitam* *rationem*, quam *Demosthenes* *proferebat*.

De subtractione siue ὑπερρεσέως.

Cap.

VI.

CONSONA est & affinis hæc figura, ut aiunt, superioribus, at magis fidem persona hos modo consequitur, quæ sit subtracta: tū reliquū genus præferimus de quo sit oratio: sicut si quis dicat; post deos *Aristogitonis* ab hominibus. Vel sic; *Iuppiter* omnibus quidē *dominatur*, ego autē *impero* hominibus; et rursus si singula *Apollini* de musica, uel certè ut *Homericum*; Cum primis *pugnare* *uiris* mēs ipsa *refugit*, *Hercule* & *Euryto*.

Nam eorum qui optimi omnium iudicio existimantur *subtractio*, credibilius id efficit, quod significatur.

De cause redditione, siue αἰτιολογίας.

Cap.

VII.

EST cause redditiō, ubi quidpiam addimus ad manifestius ipsum efficiendum, causamq; reddimus, ut inquit Demosthenes; si quis aliquē in certaminibus occidisset, hunc determinauit legislator non inferre iniuriam: quamobrem? quia non quod accidisset spectauit, sed agentis uoluntatem: quæ est ut uiuentem uinceret, nō ut occideret, & quæ sequuntur.

De coaceruatione, siue συναρτισμός.

Cap.

VIII.

COACERVATIO uerò est rerum gestarum accumulatio in unū caput, siue rerum quæ fieri potuerint, ut inquit Demosthenes: sed hic est ille qui sibi Eubæam uendicauit, qui propugnaculum in Atticam preparauit, Megara adortus est, Oræum cepit, situm effodit, Philistidem tyrannum in Oræo constituit, Clitarchumq; in Eretria, & Helleſpontum sibi subegit, obsedit Byzantium, Græcasq; ciuitates, hos quidem interimens, in quas reduxit profugos: hæc cum faceret, fœdera etiam prætergressus est, pacemq; soluit, aut nequaquam.

De

De continuatione, siue ἐπιμενῆς.

Cap. IX.

CONTINUATIO est, uelut nomen ipsum significat, diuturna in eadem sententia commotio cū amplificatione. Euripides: sed me foris seruauit, adest mihi nutrix mater, soror, serua, anchora, tectum. Et uelut Demosthenes, exacerandi Thessali, & stupidi Thebani amicum, beneficumq; & seruatorem Philippum existimarūt: omnia is illis erat. Tum rursus; quare ab inimico ieiuno mane iniuria, at non nino talia faciente coram multis & ciuibus & externis iniuriam passus sum. & sicut poeta;

Vtq; pater charū natum complectitur olim,
Post annū decimū lōginquo ex orbe reuersū.
Inter opes multas, seniori quæ unica proles.

De rerum tenuium disceptatione,

siue λεπτολογίας. Cap. X.

RERVM tenuium disceptatio est ubi in singulis ijs, quæ accidunt, aut acciderunt, exactam & minutam diligentiam adhibemus, uelut apud Menandrum,

Non hæc imagines uiri per Palladem

Habeo simili conferre cum facto, ut queam

Mecum requirens quid cito strobilus ferat.
 Nam donec ille uertitur, uenit, capit,
 Eiecit, euum fit, sed est immersio
 Certè in mari tenere spiritum: & simul
 Dixisse seruator rudentes Iuppiter
 Tene: alteram expectare, rursus alteram
 Magnam procellam, naufragium si ceperit.
 Ego semel attingens nisi tu amaueris
 In imo.

Nunc enim minora facta per cogitationem, ac neq; in suspicionem oratione diligenter peruenire possunt, & in tenue. Satis exactè poeta etiam in diligentiorē sententiam inquiring ad ipsum; Aegioche. Atq; secundum ipsum suum affectum celerius auxit, quem demonstrauit ex tenui eorum descriptione, tum hæc similiter se habent; uos etiā Athenienses salutis spem habetis in eo, quod cum celeriter uestri exercitus dux enauigauerit, loca occupauerit peropportuna. Hic uerò ut nonnullis iussit, familiaribus procuratoribus præfecit, mulieremq; rerum domesticarum complexus est, ac filios charos dextera apprehendit, exiit è ciuitate, ad portum uenit, annonam in nauim comportauit, soluit retinacula, anchoras excepit, nesciebatur hostes peropportuna loca occupasse. Habet autem figura incrementum ubi uelocitatem, tarditatem uel demonstrare cunctinque, uel celeritatem apertam

S E N T E N.

ex oppositione uolumus demonstrare, uelut Menander.

De fictione personarum, siue
 προσωποποιίας. Cap. XI.

P E R S O N A E uerò fictio, formatio est personæ, siue quæ non fuerit inquam à principio, aut quæ fuerit quidem, non tamen adhuc existat. Huius quidem Demosthenis extat exemplum; præsens sanè occasio Athenienses uocem emittit ferè inquit: nam non existentem personam ipsam inducit occasionem. Secundæ exemplum est apud Aeschinem, ubi sub finem iam orationis patronos uocat, communicantesq; secundum munerum corruptionem consolatur; nam in suggestu aduersarios uidere fingit Solonē, qui reipublicam optimis legibus ornauit, Aristidem, qui uestigalia constituit Græcos interrogare, an nō erubescitis? quoniam patres uestri Arithmum Zeletem, & quæ sequuntur.

De resumptione, siue ἐπικυκλίσεως. Cap. XII.

R E S U M P T I O est ubi secundum plures uoces repetimus, ut hoc se habet; sed non est quo pacto errauerit: & illud Homericum; huic opponor

opponor ego. & si igni manus habet similes.
 hæc enim resumuntur nulla particula interpo-
 sita inter ipsa. Accidit aliquando, ut ipsa nomi-
 na repetantur, sed non statim, at quædam media
 iniiciantur, uelut hoc se habet; erat aliquando,
 erat uiri Athenienses illud in multorum animis:
 non enim uult Philippus ciuitatem subigere. Cu-
 iusmodi illud est etiam Aeschinis; optima est A-
 thenienses, optima rerum publicarum custodia:
 & illud Homericum;

Verū hic Aethiopes lōginquos nuper adiuit,
 Aethiopes terræ extrema regione locatos.

Sæpius eadem ac sæpius repetuntur: uelut etiā
 Demosthenes; nam & amicitiam & familiari-
 tatem nunc etiam dixit cum differeret, quomo-
 do Alexandri capiens quid: patet autem quo-
 ties repetitum est idem nomen: hoc nonnulli du-
 plicationem esse propriè contendunt, ubi quod
 secūdo loco dictū sit incœperit à fine præceden-
 tis scilicet. uelut Sophocles; ὦ Charisime,

Vt perdidisti me caput fraternum, & in
 Oraculo nunc me petis Arcadia.

Profectò non dabo, dabo terram quidem.
 sed uidetur magis esse poeticum.

De relatione, siue ἐπαναφορὰς.

Cap. XIII.

RELATIO est cum ab eodem caso,
 duo

Auo siue plura membra incaperint, uelut apud Demosthenem: siue ubi sæpius nomen assumitur in membrorum principio & ambituum, atque uel ipsum nominat, uel nomē quod æquipolleat. Ipsum quidem ut illud Demosthenis; quid calūniaris miser? quid uerba facis? quid te ipsum nō purgas elleboro? uelut etiam illud Homericum; Nereus te ex Media duxit, Nereus Aglaia satus. Acquipollens hoc pacto; hic prorsus debilis, hæc tota calamitas. Hic enim & foemineus articulus et masculinus æquipollet ad rē. Acqui pollēs ita ut si quis dicat; dedi ciuitati pecuniā, præbui socios, concessi arma. atq; uelut ipsum muneribus corruptum consolaretur, fingeat se uidere in suggesto aduersarios, Solonē quidem qui optimis legibus democratiam ornauerat, Aristidem qui statuerat uestigalia, Græcos interrogantem an non erubescitis? quoniā patres uestri Arithmium Zeletem, & quæ sequuntur.

ὅπαντα
νάλλας οὐ
τος, ἢ πᾶ
σα βλάβη

De morum fīctione, siue ἡθο-
ποιίας. Cap. XIII.

EST autem fīctio morum ubi personas exi-
stentes ponentes, ipsi. quadam oratione ambi-
mus, ut fide digniores ipsi uideantur: uel si ip-
sam nos dicamus, ut Aeschines cōtra Demosthe-
nem; nullo pacto in nos ipsos sophistæ risum, ac
d morum

moram præbuerit, sed existimat ipsum ingressum in domum uidere inter adoleſcētulorū cætū affectantē laudē, negotium scitē percurrentem, mox in multitudinem cum accesserit coronam cepisse, & quæ sequuntur. Ex causis etiam apud Timarchum insurgere fecit, cum in accusatorem retulisset & Phocenses.

De reticentia, siue ἀποσιωπιστεως.

Cap. XV.

RETICENTIA est oratio, quæ quod tacetur, intendit; aut cognitum relinquit; uel silet id, quod dictu est turpe. Intendit quidem quod tacetur ut Demosthenes; cui mater erat quidem urbana, pater uerò non dicam unde. Non. n. plura perquirat quam sint necessaria: at sic id relinquit quod est cognitum. & rursus; tot me Athenienses dicere uereri. Omnibus. n. patet, primum quod insuaue quiddam prætermittit, postea magis speciem præ se fert, quòd uel ignominiam dicturus erat, uel aliquid huiusmodi. Tacetur turpe, ut Euripides; uel pedibus circumijciens ignaro uelum extendit, quorum causa, uirginem dicere non decet.

De percursione, siue ἐπιτροχαρισµου.

Cap. XVI.

PER

PERCVRSIO est figura, & coaceruatio
ni, & continuationi adnexa. Differt uerò ab il-
lis, quoniam quæ multum distiterint cōgregat,
probabilitatisq; gratia dicitur, ut hoc se habet
Demosthenis; uerum in Hellepontum accedit,
prius iuit in Ambraciam, Elim tantam ciuita-
tem habet in Peloponneso, priusq; Megaris te-
tendit insidias.

De ironia. Cap. XVII

IRONIA oratio est quæ contrarium dia-
cere fingitur, uelut Euripides fecit in Medea;
Tu me beatam pluribus Græcis magis
Fecisti, ego admirabilem contra uirum
Habeo misella te, grauemq; per deos.
Et quæ sequuntur. sic etiam Demosthenes; pæ-
tet enim quòd tu doles Thebanorū infortunijs,
cum in Bœotia habeas prædia: ego uerò letor,
statimq; ab eo petebar, qui hæc fecerat. Sūt qua-
tuor ironiæ formæ, urbanitas, subsannatio, car-
casinus, irrisio.

ἀντιστοιχίαν
μικτήρι-
σμός.
νεύρασι-
μός.
χλοασα-
μός.

De præteritione, siue παραλεί- ψεις. Ca. XVIII.

EST autem præteritio ubi aliquid præ-
termittere uidemur, idq; nihilominus dicimus,

d 2 uelut

uelut Demosthenes; uerum quid opus erat facere
 recte enim iam percunctor, his omnibus præter
 missis, Amphipoli, Pydna, Potidæa; quarum me
 moriam minime nunc facio, Serini uerò, Doria
 sci, Tarethi; deuastatio, nec satis scio an fue
 rit. Tum rursus; quæcūq; enim in choros ducen
 tes fecit, ut nobis esset impedimento quò dimit
 terentur à stipendio, tum proponens ac ipsum
 in Dionysia decernens designari procuratorē,
 prætereo. Et rursus; lasciuiam Mediæ, ac iniu
 rias, et reliqua flagitia, cū infinita propè sint,
 prætermitto: neq; hoc sanè dico, neq; hoc inquā,
 neq; quòd hic iniuria affecit ciuitatē. tum alibi;
 neq; illud dicam quòd nūcios male affecit, quòd
 transfugit in Siciliam; quæ cum infinita sint,
 horum omnium sit obliuio.

De conuersione, siue ἀπεστροφῆς.

Cap. XIX.

CONVERSIO uerò est cum aliam perso
 nam pro alia carpimus siue cum lenire, siue ac
 cuere uolumus, uelut poeta;

O rex Atrides tua sit uoluerè Pelasgi
 Inter mortales cunctos iniuria nota.

Nec promissa tibi soluūt, quæ polliciti sunt.
 Quoniam præruptum erat Et asperū dixisse;
 O Achivi iniusti estis erga regem, cum illi per
 ficere

nolitis, quæ promissistis: orationem ad ipsum Agamemnonem transtulit. Fit autem conuersio ubi etiam aliorum mentionem facimus, tanquã hæc facere potuerint cum his, de quibus habebimus orationem, qui tamen nõ fecerint: atq; per hæc ipsa uerba aduersarios incesimus, uelut Demosthenes, cum eo carpere uellet, quæ à Media fuerant perpetrata, res circa Iphicratẽ criminatur; nam & Iphicratem illum aliquando aiunt in Dioclis Pitthei inimicitias maxime incidisse, atque contigisse ad hoc ut Tisias frater Iphicratis ex aduerso Diocli impensas suppeditaret. Veruntamen cum multos amicos haberet Iphicrates, multasq; pecunias possideret, & quæ sequuntur: non accedebat noctu ad aurificum domos, neque pallia in festum parata distrompebat & reliqua.

De addubitatione siue ἀπορίσεως.
Cap. XX.

ADDUBITATIO est cum duas aut plures sententias uel habemus de re eadem, uel certe habere simulamus, cum non habeamus tamen, si dubij simus, ac non in illis consistamus: uelut hoc se habet: siue alio dicente, siue ipso sibi conscio non facile dixerim: quòd autem sola salus nostra & illi adesset, siue humanitatem eam appellari

pellari oporteat, siue aliud quidpiam, non facile occurrit.

De interrogatione siue ἐρωτήματος.

Cap. XXI.

INTERROGATIO est ad quam respondere opus est aut affirmationem aut negationem; et uel certè, uel nequaquam; uel in pugna processisti, uel minimè: uelut etiam Demosthenes, nunquid cum hæc faceret pacem soluit, aut nequaquam? nam ad hoc uel sanè respondere necesse est, uel minimè.

De quæsito siue πύσματος. Cap. XXII.

QVAESITVM est cui fusè et per plura respondere oportet: uelut hoc se habet; me tertij ordinis histrionè cuius hominis cogitationè suscipientem his consulere oportuit? hic enim non licet uel certè respondere, uel minimè: sed per plura huiusmodi interrogationi occurrere necesse est.

De Conformatione siue διατυπώσεως.

Cap. XXIII.

CONFORMATIO uerò fit cum rerum siue personarum congregationem facientes non
orationis

orationes solum, uerumetiam uires, affectusq;
 & formas disponimus, uelut Aeschines; per bre-
 ue spatium mihi adesse sententiam, eamq; non in
 iudicijs, sed in theatro; atque existimate non a-
 deuntem præconem inspicere, sed decreti ele-
 ctionē in Delphos quæ futura est, et deinceps:
 & ut inquit Demosthenes; cum in Delphos
 Thebas peteremus, hæc omnia intueri licebat,
 domos effusas, mænia deiecta, mulierculas pue-
 rosq; paucos misellos, ac senes domi custodes.

De compensatione siue ἀντιστάσεως.
 Cap. XXIII.

FIT compensatio cum alterum pro alte-
 ro ponimus, malum scilicet pro bono, aut bonū
 pro malo, ut miserum patri ac matri filijs pri-
 uari, ijsq; orbatos esse maximè necessarijs, à
 quibus alantur seniores: iucundum est ipsis re-
 lictorum filiorum honorem memoriāq; inspi-
 cere: & rursus: suaue est uiuere, sed mori pro
 patria, perpetuam gloriam comparat.

De distractione siue διασπορά.
 Cap. XXV.

DISTRACTIO est ubi detrahētes proba-
 biliter dicimus; ut Hyperides de Demosthenes;
 senatum

rint suffragijs decernere : siue cum aduersa-
rium in accusationem eorum deuocamus , quæ
nobis ab ipso obijciuntur : uelut rursus

Demosthenes ; quid postea inquires
in te , quis recte dicere pos-
sit , qui ubi tu ades
tantum nego-

tij , bel-

conijunctionem , quantam tu per-
curris , uideat ? me urbe pri-

uatum grauitè tu-
listi , & reli-
qua .

c

ALEXANDRI

ALEXANDRI
SOPHISTÆ
DE FIGURIS
ELOCUTIONVM.

LIB. II.

Natale de Comitibus Veneto interprete.



ONNUMERATAE
fuerunt à nobis, ac rectè ex-
plicatae sententiarum figu-
rae superius, idcirco quòd na-
tura ipsa præcedit in omni
oratione sententia inuentio,
postea oratio sequitur sententiã, quæ ipsam om-
nibus patefacit: nunc uerò de orationis atque
elocutionis figuris uerba faciamus, quoniam &
primæ figuræ sunt, ut aliquis meritò diceret,
& sublimiores hæ, quæ spectant ad elocutio-
nem, ambitus, membrum, cæsum: nam ex his om-
nibus quæuis oratio componitur ac cõstituitur:
quorum quid sit unum quodq; prius aperiemus.
Est igitur ambitus oratio sine circumscrip-
tione & membris, quæ perfectam sententiam
monstrat in compositione, uelut hoc se habet;
uir

priuatus in ciuitate populi imperio gubernata
 & lege imperat & suffragijs. Ambitus uerò à
 circuitione, quasi quòd sententiam in circulo
 complectatur: membrũ pars est ambitus, quod
 per se ipsum dicitur, at oppositum ambitum
 absoluit: membrũ igitur ipsum per se est huius-
 modi; uir enim priuatus. At secundum oppositũ
 sic membrum fit compositio; absurdum est sanè
 te in bonis alienis dare operam delitijs, at me
 in meis uel necessarijs indigere: secundum adia-
 cens autem hoc pacto; semper et amicis benefa-
 cere pulchrum est, & ciuibus. Cæsum est quod
 minus membrò ac ambitu: sumitur cæsum &
 hic, uelut hæc habent; nosce te ipsum, mensura
 optima, deum sequere: sumitur & ad aliud, ut
 iusturandum petis? legem petis, populi imperiũ
 petis. Sunt ex ambitibus alij duorum membro-
 rum, uelut hic; sæpius admiratus sum conciones
 congregantes, et gymnicos ludos constituentēs:
 alij trium membrorum, uelut quem paulo ante
 dicebamus: uir enim priuatus: secundus in ciui-
 tate populi imperio gubernata, tertius, & lege
 imperat. & suffragijs: fit & quatuor membro-
 rum, ut apud Isocratem; quis enim non esset li-
 benter in exercitu qui ab Atheniensibus & la-
 cedæmoniis gubernatur, sociorumq; libertatis
 gratia coactus est, & ab uniuersa Græcia mis-
 sus? consideratur quatuor membrorum ambitus

sine prima propositione, quis enim non esset libenter in exercitu. Componuntur ambitus & pluribus etiam membris, uerum concinnitatem exuperant, atque non etiam ambituum seruant rationem aut ordinem, sed fusarum: sunt alij ambitus perfecti per se, ita ut ipsi sententiam significant; alii coniuncti, ita ut cum aliis perfectam expleant sententiam: sunt igitur perfecti qui sine ulla cōiunctione proferuntur, cuiusmodi hic est; si præco uocem secundum legem emittit, hanc patriæ communem existimare par est: coniuncti sunt qui cum coniunctionibus effertur, ut hic se habet; idem dicat & orator opus est & lex: nam cum aliam uocem emittit lex, aliam orator, legis æquitati suffragium dare conuenit, non autem dicentis imprudentiæ.

De repetitione siue ἀναστροφῆς καὶ ἀλλοιότητος καὶ ἐπαναλήψεως. Cap. I.

HANC figuram Carcinus reiterationem appellat, alii repetitionem, alii resumptionem: efficitur autē ubi uerbum deinceps ponimus, ut hoc se habet; scelesti scelesti fera uiri Athenienses. & rursus ut Xenophon, in tumentis ob genus, inflato ob diuitias, illuso multis ab hominibus.

De

De relatione siue ἐπαναφορᾶς. Ca. II.

FIT autem relatio aliquando in precedentibus membris, ut se habent prædicta: aliquando in reliquis, ut hoc Demosthenis; literas docebas, ego autē abibam: uis, ego uolebam. fecit Demosthenes duplicem etiam relationem eam ipsam particulam sumens in precedentibus membris, ac in sequentibus; ad hoc usque Laesthenes Philippi amicus nominabatur, donec olynthum prodidit: ad hoc usq; ; Eudicus ac strenuus Larisæus, donec Thessaliam sub Philippi imperium subegerunt: nam in prioribus membris, usq; ad particula sufficit; in secundis, donec.

De opposita cōuersione siue ἀντιστροφῆς. Cap. III.

OPPOSITA conuersio contrarium efficit relationi: nam sicut illa incipit ab iisdem, ita ipsa in eadem desinit, quamobrem hoc nomen cōsecuta est, cum relationem conuertat. Dicitur autem exemplum quoddam figure, quoddam offendit ac factum est ut non oportebat, adest Aeschines, & hoc ipsum Aeschinis; quicumque in iudicio suffragium petit, iusturandum petit, legem petit, populi principatum petit.

De

De complexione, siue compositione.

.i. συμπλόκῃς. Cap. III.

PERMISTA est hæc figura ex relatione, & opposita conuersione, quamobrem ita nominatur. Nam & in membrorum principio, & in fine habet eandem dictionem, uelut Aeschines ad te ipsum uocas, ad leges uocas, ad populi principatum uocas.

De cognominatione, siue συνωνυμίας.

Cap. V.

COGNOMINATIO uerò est ubi diuersis nominibus dicendo utimur, quæ tamen eandem habeant uim, cum unum atq; idem demonstrare uelimus. ut Demosthenes; cognoscetur profectò ab ipsis Byzantijs, non ignorabitur à Thessalis quòd uult esse dominus, non autem faciorum esse præfectus, in suspicionem uenit Thebanorum.

De reuersione, siue ἐπεγρόδου.

Cap. VI.

REVERSIO est cum duo diuersa nomina ponentes nondum finem habente sententia, ad priora reuertimur, ac reliquum quod erat sententia

tentiae explemus. Velut Demosthenes; cum hæc populus uideret Oritarum, Oritarum populus agens pro his auxiliari, hos in supplicium deuocare, his pariter succensebat: hunc iure optimo hæc pati dicebat. Atq; sicut Philippus in ignauia, & ob merorem in duces populus quibus obuius esset iniciens uelle se dare tristitia uictorum in bello laboribus, non autem certaminibus. Vsus est Homerus etiam hac figura, ubi Achillem pro Patroclo orante.

Nā pater huic illud concessit, at abnuuit illud.
Præbuit ut uincat duri certamina Martis,
Ex bello uictor redeat, functusq; periclis.

De gradatione, siue κλίμακος.
Cap. VII.

FIT autem gradatio ubi propositum caput ad maius producentes in singulis cæsis eandem dictionem & principium & finem faciemus. Velut hoc se habet Demosthenis; sed neque dixi hæc, neq; uerò scripsi; neq; scripsi quidem, neq; legatione uerò functus sum; neq; legatione quidem functus sum, neq; uerò Thebanis persuasi. Fit etiam gradatio secundum cognominationem, uelut id se habet Homericum;

Saturnoq; sato Vulcanus tradidit illud.

Mercurio dedit hoc gestamē Iuppiter ipse.

Mercurius

Σὺ ἄπο =
νίκων.
Ἰοὺι Σα =
turnio.

Πικτέρω Mercurius Pelopi domitori donat equorū.
 ἀργεῖον Ipse Pelops Atreū regē quo muncere donat.
 Τ, nuntio Nam synonymum est quodammodo Saturnius
 τερφεῖρι Iuppiter, & Mercurius Argi interfector. Sum-
 psit autē nomen hæc figura à scalis, nam in ijs
 in quē gradū finimus rursus incipimus ab eodē.

De perspicua declaratione, siue προσία-
 σαφίσεως. Cap. VIII.

PERSPICVA est declaratio ubi unū no-
 men completæ iam orationi infertur, quod ma-
 gis perspicuum quidpiam efficiat, uelut illud
 Homericum.

Nō animo Atridæ placuit sic esse gerendū.
 Animo enim expletæ iam orationi perspicuita-
 tis gratia infertur, quoniam is est animus, circa
 quem affectus, ut placeat, nascitur, ac si quis in
 longa oratione hæc dicat, animo cognouit.

De circumlocutione, siue περιφρά-
 σεις. Cap. IX.

VIDETVR mihi circumlocutio pro-
 pria quædam esse poësis figura, siquidem mul-
 ta sunt apud illos; quæ per circumlocutionē ef-
 feruntur; ut uis Herculeæ, et robur Alcinoi. Ve-
 rumenimvero licet & apud Demosthenem hæc
 figuram

figuram reperire; uerum ita simpliciter dedecus passus est impetu iracundiæ, ac iniuriæ Mediæ. Fit autem & sublimior oratio, & maiorem consequitur emphasim ex circūlocutione, quàm si ita dictū fuisset, dedecus passus est à Mediæ. & uelut ea se habent Xenophontis; sententia nobis aliquando orta est, pro eo quod est. sensimus. & uelut apud Thucydidem; non de quibus uos instituimus, uos disciplinā efficitis, pro eo quod est discitis: Est autem frequēs hæc figura apud hunc scriptorem.

De superabundantia, siue πλεονασµου. Cap. X.

EST autem superabundantia ubi aliqua pars in oratione adiuncta sit superabūdans, uel ornatus gratia, uel emphasis, qua etiam ablata nulla ex parte læditur sententia. Velut hoc se habet; magnus ipse tumultus Gracis profectō extitit, hic enim profectō orationi adiunctum ornatum præbuit: quod si auferatur nulla ex parte sanè offendet sententiam. rursus; ille Callistratus accusabatur: nam ille adiunctum emphasim quandam magnitudinis significat ad uirum pertinentis.

De disiunctione uel solutione, siue ἀσυνδέτου ἢ διαλύσεως. Cap. XI.

f De

CONIVNCTIONES iuxta hanc figurā auferentes, quæ membra erant coniuncturæ, ita orationem efferrimus uti hæc se habent; si similiter omnium dignitas principatum ceperit. & rursus; Amphipolim, Pydnam, Potideam, Alonessum: nullius harum mentionem faciam.

De detractiōe, siue ἐλλείψεως.

Cap. XII.

FIT autem detractio ubi complura nomina subtrahuntur, atq; nomine utimur non adiuncto: quod autem plus concipiat quàm dicat, ita Demosthenis exemplum patefacit; si quis ex sequentibus ad sepulchrum percurrat, si hoc, atq; hoc fecisset, non esset mortuus, attonitus, erat postea nunc dicis. Concipitur enim dicere posset aliquis ad eum, uel respondere. Tum rursus; nulli curæ est, neq; meminit; deest enim hic, nullus: habet uerò hæc figuram emphasim affectus.

De transmutatione, uel alteratione, siue ἀλλοιώσεως ἢ ἀλλαγῆς. Ca. XIII.

TRANSMVTATIO autem uel alteratio uaria est figura, & quæ multis modis efficitur, nam & numeros transmutamus, et casus nominum, & rursus in uerbis tempora, affectus, in nominibus quidē ita mutatur ac alteratur; uniuersa quidem Græcia erat armata: Nam pro Græcis

Græcis Græcia dicta est. & rursus; si enim ambitonem, docebo solum; pro ambitioso. Et sicut Demosthenes, uniuersa postea Peloponnesus descruerat, pro eo quod est Peloponenses. Huiusmodi figura est & hoc; terram arare, facta est personarum mutatio ubi ab altero in alterum orationem transferimus, uelut hoc se habet; neque uilus sanè nostrum bilem, aut iracundiam habere comperietur: quibus scelestus hic, & impudens uincitur, qui, o omnium foedissime, exclusa tibi dicendi libertate. Casuum alteratio ac mutatio ita formatur apud antiquos; alios quidē, qui atq; ad publica iuste peruenire contendunt, etsi dederint, loquacitatem prætendentes uideo. Nam ab accusatiuo in nominatiuum conuertitur. & Homericæ; iram canere dea perniciosam, quæ infinita. & alibi;

Dic mihi Musa uirum prudētē, plurima quæ iam. Numeros ita commutarunt, ut Thucydides; facilius enim ausus est quis, quæ prius celauerat non ad uoluptatem facere: conuersam mutationem uidentes; & Philippus, & multitudinem pauciorum uidentes fugam Libyū infectabantur. Temporum mutatio fit hoc pacto; & quod hæc uera dicamus testes uobis uidentes adducemus, pro eos qui uiderunt. Nam & efficacia & affectus, & uerba immutare consueuerunt, quod est frequēs

ἐσπεκώ-
τας
ὁπῶντας

apud Thucydidem. sicuti; neq; inter se miscen-
tes, pro mistis. & rursus; mediterraneum regio-
nem potius habitantes, pro eo quod est qui ha-
bitarunt.

De pluribus casibus, siue πολυπτῶ-
τευ. Cap. XIII.

E S T uerò polyptoton ubi, uel plu-
ra nomina, uel pronomina in pluribus cas-
ibus omnia sumentes orationem conteximus,
uelut hoc se habet Xenophontis; cui plures
sunt amici, quàm Persarum regi? quis magis
familiares suos exornare uideatur, quàm rex?
cuius uerò munera magis noscuntur, quàm re-
gis? atq; illud Demosthenis; isti enim habent, his
uos obtemperatis, periculum est ne ab his deci-
piamini. Nam quis est qui urbem fraude deci-
pit? an non qui ea dicit, quæ minimè sentit? qua-
re huic merito præco imprecaretur.

De commutatione, siue μεταβολῆς.
Cap. XV.

F I T in hac figura integrarum partium
transpositio per singula uel membra, uel cæsa;
sicuti se habet hoc Demosthenis; quæ nam so-
cietas te agente ciuitati adiuncta est? quæ
auxilia ex beniuolentia tua, aut ex tua gloria?
quæ legatio, quæ administratio, quo ciuitas fa-

etiam sit gloriosior? quæ nam ex rebus aut Græcis, aut domesticis per te melius habent? quas triremes, quæ arma instaurasti, quas nauis domos? quos murorum apparatus? aut quem equitatum? uel quid ex omnibus utile? uel quod urbanum auxilium pauperibus? aut quam nūmiorum copiam?

De adnexionone siue *εὐύμκτος*. Ca. XVI.

ALIQUANDO in hac figura per singula membra quod singulis familiare est recensemus, uelut hoc habet Isocratis; sæpius eos admiratus sum qui conciones congregarunt, et eos qui se exercentium certamina constituerunt: aliquando uerò ita membra ponimus ut hoc se habet; Alexander uicit pugnantes, in Granico quidem septem satrapas; in Nisso, Darium, in Arbelis, congregatos: possunt membra colligentia in medio etiam collocari; unde uerò cõpositio huiusmodi fieret patet, ex prædictis.

De similiter desinente siue *ὁμοιοτελεύτου*.
Cap. XVII.

EST autem similiter desinens, ubi sæpius in eandem particulam cessamus: uelut hoc habet Socratis; horum quidem laboriosam, periculorumq;

rumq; uitam studiosam his pugnacem naturam
constituit: & illud Aeschinis; atque non infor-
tunium reprehendo, sed morem perpendo.

De simili casu siue ὁμοιοπύτου.

Cap.

XVIII.

SIMILIS casus est, ubi idem casus sepius
in uno nomine refertur; uelut illud est Aeschi-
nis contra Demosthenem; ò hominum ad omnia
quidem magna opera inutilissime, ad audaciam
uerò in sermonibus admirabilissime: nam uoca-
tis casus in utroque membro collocabatur.

De annominatione, siue παρανομασίας.

Cap.

XIX.

Εὐκλείμα
τα, ἀλλ'
ἐγκλείμα
τα.

σὺλλογοὶ
καὶ λόγοι

FIT annominatio ubi aliquod in senten-
tiam assumptum siue nomen, siue uerbum pau-
lulum immutantes aliam promouemus senten-
tiam: uelut se habet cuiusdam dictum ad coloniam
in iudicium uocatum; semper per uineas non
pampinos ferunt, sed ex postulationes: & uelut
hoc Demosthenis; cum res enim adhuc essent am-
bigue, futurumq; incertum, coitiones fiebant
plurimæ & orationes in foro: & sicuti Thucy-
des; simul cum hostibus incede non cogitatione
quidem, sed contemptione: atque omnino similia
habent explicantes & implicantes.

De oppositione siue ἀντιθέσεως. Ca. XX.

PLVRI.

PLVRIBVS modis fit oppositio, atq; uno quidem cum opposita nomina assumimus, uelut hoc se habet; magis. n. ciuitates amant illos, qui cum æquitate sint pauperes; quam qui sine æquitate facti sint opulenti: et; lauāt in calida aqua, at non in frigida. Secundum aliū modū, si nomina subuertantur: tu enim o Demades munera à Philippo retulisti, ego uerò non retuli; & tu contra ciuitate epulans poculo prouocasti, ego uerò simul non bibi. Fit alio modo oppositio, quando oppositis omnino nominibus loquimur, resq; oppositas sumimus, aut differētes, ut apud Demosthenem; docebas literas? at ego abibam: perficiebas? at ego perfeceram: histrionem agebas? at ego spectabam: eras scribe? ego uerò concionem agebam: excidisti? at ego exhibabā.

De contraria transpositione siue ἀντιμεταθέσεως, ἢ πλοκάς. Ca. XXI.

IIIDEM distionibus in hac figura sæpius utentes alia significamus, sicuti sunt hæc huiusmodi; suaue est homini iuste uiuere, si quis quomodo oporteat uiuere didicerit: & cuiusmodi illud est Aeschinis; opus est sanè Thebas esse Bæotiam, at nō Bæotiam Thebas. Adiacet huic figuræ ea, quæ aduersa mutatio dicta est: fiet uerò ubi in primo ac secundo ambitus membro iisdem utimur nominibus, atque quæ in principio

cipio posuerimus in eadem desinemus: sicut Isocrates cum adhortaretur ne inter pocula auspicarentur; quibus enim ego sum grauis, non præsens occasio: quibus nunc occasio, non ego grauis.

De opposita contrarietate siue ἀντιεργα-
τιώσεως. Cap. XXII.

OPPOSITA contrarietas est, cum contrarium nomen alicuius positi, illud ipsum significamus, si ita posito sit contrarium: ut; hostes habebat ipsos qui neq; dicere poterāt, neq; facere: & rursus; neq; minimorum in ciuitate, pro eo quod est, infirmissimos, & maxima: & uelut Homericum; quoniam ipsum non debilissimus percussit Achiuorum, pro generosissimo.

De transgressionis siue ὑπερβατόν.
Cap. XXIII.

κατὰ τὰν
ποῦ ἐστὶν ὁ
κῶς.
TRANSGRESSIONIS etiam ipsius complures sunt formæ ac differentes, nam per syllabarum inuersionem, particularumq; fit, uelut se habet; leo qui taurum comederat: & Demosthenes contra Aeschinẽ; hic solum Axiochi, neq; ullum alium: & illud Thucydidis; in quo dixero. Rursusq; per compositam dictionẽ particulis in uicem separatis uelut; de me, perdis, pro

pro me deperdis. & rursus per dictionē si neq;
 secundum quod est deinceps, neq; secundum na-
 turam positorum; uelut id Thucydidis; cum eo-
 rum apparatus audiuiſſent Corcyraei, timue-
 runt: erant. n. cum nullis ex Græcis fœderati, ac
 neq; in Athenienſium ſocietatem, neq; in Lace-
 dæmoniorum ſe aſcripſerant: uiſum eſt autem
 illis faciendum eſſe, ut ſe conferrent ad Atheniē-
 ſes, eorūq; ſocios ſe uocarēt. Quod. n. hic tradi-
 debuerat præſumptū eſt: quod eſt. n. deinceps
 hoc eſt, eorum apparatus timuerunt, uiſum eſt
 illis faciendum ut ſe conferrent ad Athenienſes,
 eorūq; ſocios ſe uocarent: Erant. n. cū nullis ex
 Græcis fœderati. Fit etiā tranſgreſſio permul-
 tis dictionibus inter nomina collocatis, uelut ſe
 habet hoc Demotheſis; ego autem; quoniam om-
 nis perdata eſt pecunia, ſi quæ captionis ſunt
 ceperitis: et quod ſi nonnulli ſunt dimittendi ex
 debitoribus, qui æquiores ſunt & meliores, par-
 eſſet utiq; eos dimittere, qui minimè in graui-
 bus debuerunt; non autem illos, qui plurimū pec-
 carunt, peſſimiq; ſunt meritoq; ſunt rei, ac in re-
 bus grauiſſimis: quid uerò fieri poſſet calumnia
 grauius, aut ſcelere legum contemptioſis? at ho-
 rum amborum hic reus eſt: & quod nō opus eſt
 alijs omnibus, quod iuſtum eſt, concedere, nedum
 qui uiolauerit, quod ipſum fuit iniuria, hæc hu-
 iuſmodi præteribo. Nam præteribo poſt longū

sanè interuallum infertur.

De interpositione, siue περιμελλο-
λῆς. Cap. XXIII.

VIDETVR hæc figura transgressio-
ni esse adiuncta, ubi aliqua interponitur oratio
inter compositionem, quæ est secundum naturã.
Differt autem ab ea, quoniam transgressio est
in particularum mutatione, sequentisq; figuræ
redditione: at interpositio propriam habet sen-
tentiam; atq; ubi aliquam transgressionis partē
abstuleris, lades sententiam, figuramq; perdis:
interpositione uerò uel tota remota non lades
sententiam. Sit autem interpositionis exemplum
id, quod est apud Herodotum; Cræsus erat gene-
re Lydus, filiusq; Alyattis, earum nationum ty-
rannus, quæ Alye flumine alluuntur, qui à meri-
die fluens ad uentum Boream inter Scyros &
Cappadoces exit in mare Euxinum: hic igitur
Cræsus. Hic ea, quæ spectāt ad fluuium interpo-
sita, nihil cum ijs habent commune, quæ spectāt
ad Cræsum: poterat enim & ita constitui ora-
tio; tyrannus autem nationum earum, quæ sunt
intra fluuium Alyem, cum esset hic Cræsus.

De adæquato, siue περισού. Cap. XXV.

ADEQVATVM est ubi plura membra
in

in unum redacta, maximè uel syllabas habent pares, ueruntamen numerũ etiam parẽ in omnibus sumit, sicut prædictum se habet Isocratis; huic quidẽ laboriosam, periculorumq; studiosam uitam exhibuit, huic naturam conspicuã belloq; dignam constituit. Quod si similiter desinens sit etiam hoc exemplum, nihil nocet; quando complures orationes ex duabus, & ex pluribus figuris componuntur.

De præoccursatione, siue προσυναντιστικῆς. Cap. XXVI.

PRAEOCCURSATIO est ubi duobus prolati nominibus prius occursatio ad extremum facta fuerit, uelut id Homericum;

Hic gemitusq; precesq; uirũ exaudire licebat
Cædentium & morientium.

Nam quam cædentium prius traditum est precari. & uenientibus Atheniensibus & Lacedæmonijs, Lacedæmonijs quidem Eurybade imperante, Atheniensibus Themistocle.

De increpatione quam nonnulli hypalagen uocant, siue ἐπιτιμῆσεως ἢ ὑπὸ πολλῶν. Cap. XXVII.

FIT & hæc ipsa figura secundum nonnullos modos, uel enim priorem dictionem increpantes alteram assumpsimus, ut Demosthenes; tardè enim

enim tardè inquam, nam heri, & nuper: uel aliam
quam demonstramus nominum differentiam, uelut de nimis curiosè amante, non est hoc amicitia, sed amor: uel sciungentes quod optimum est eligimus; non irascebatur piosetò, sed insaniebat. tum rursus; non erat mehercle pater, at tyrannus.

F I N I S.

Ad Lectorem.

Nonnulla sunt figurarum nomina humanissime Lector, quæ quantum Latine uocis facultas ferret, exprimere conatus sum, uerum si qua minus placeant, ipsis nominibus Latinis reiectis græca assumito, quæ idcirco sunt apposita.





MC

